



Al è "targât" Universitât di Udin il laboratori di ricercje pe sigurece alimentâr plui grant e modernî dal Camerun, fat inte capital Yaoundé. Un centri di ecelence nassût de colaborazion tra lis universitâts di Udin e Yaoundé 1, cul contribût de Region Friûl - Vignesie Julie e dal program european di cooperazion Edulink - progjet Live, e la poie dal Ministeri di arlevaments, pescje e industriis di orijin animâl dal Pais african.

Obietif dal laboratori al è garantî la salubritât dai prodots alimentârs di orijin animâl e contribuî cussì a miorâ la cualitât de vite dai camerunians e des popolazions di chei altris Paîs de Afriche centrâl. Pe sò realizazion la Region Friûl - VJ e la Universitât di Udin a an investît plui o mancul 100 mil euros. L'ateneu furlan al à contribuît ae imprese progettant il laboratori; donant e instalant grande part de strumentazion, formant tecnics, esperts e veterinaris che a lavoraran inte strutture. Une convenzion a pueste tra i ateneus di Udin e Ya-

oundé 1 e i Ministeris camerunians competents e garantirà la gjestion buine e condividue dal centri.

Di là des ativitâts di control su dute la filiere de cjar e dal pes, il centri al sarâ assegnât ae ricercje, ae sperimentazion e ae formazion dai operadôrs dal setôr. Componût di vot laboratoris setoriâi suntune superficie di plui o mancul 300 metris cuadris, la strutture e je dividude in dôs sezzions, chê di microbiologie dai aliments e chê di tossicologie.

In maniere operative, il laboratori al fasarâ controî sui cam-

Screeât te capital Yaoundé un centri di ecelence pe ricercje in materie di sigurece alimentâr. Il progjet al è stat realizât in graciis de colaborazion de Universitât dal Friûl e de Region Friûl Vignesie Julie

Camerun, ricercje made in Friûl

pions ufficiâi gjavâts dai orghins di vigilance e dai servizis veterinaris camerunians. Cun di plui, al è furnît par ricercjis di microbiologie, parassitologie e su la cualitât dai aliments par int e par bestiis; par ricercjis di rescj di trattamenti farmacologjics e di contaminants ambientâi su deradis alimentârs cun investigazions tossicologjiche.

Ae cerimonie di inaugurazion a an partecipât, fra chei altris, l'ambasador di Italie in Camerun, Stefano Pontesilli, il delegât de Universitât di Udin pai rapuarts cui Paîs de Afriche Sub-sahariana, Marco Galeotti, e il retôr de Universitât di Yaoundé 1, Maurice Aurelien Sosso.

Dîs agns di colaborazion tra la universitât di Udin, lis autoritâts dal Camerun e l'ateneu di Yaoundé 1 a an permetût di organizâ tantis iniziativis in graciis de poie dal program european Edu-

link Live, pes ativitâts scientificis, di formazion tecniche e superiôr, e de Region FVJ (Servizis integrazion europeane, rapuarts internazionâi e gjestion

veterinaris camerunians medics metude in vore dal Ministeri dai arlevaments, pescje e industriis di orijin animâl; il miorament dai metodis di ispezion veterina-

rie tal macel public di Yaoundé. A chestis azions a van zontis chês de squadre di zootecnie coordenate al professor Edi Piasentier pal miorament gjenetic de raze "Zebù Goudali" cu la Tacolade taliane rosse e la difusion de fecondazion artificiali pal Zebù.

"La realizazion tal forest di un gnûf laboratori de nestre Universitât - al sclaris il professor Gale-



finanziarie) intal cjamp de cooperazion al disvilup.

In particolâr, cors di inzornament par passe un tierç dai medis veterinaris dal Camerun; il supuart aes ativitâts didaticis de istituende Facoltât di medisine veterinarie de Universitât di Ngaunderé; la creazion di un sistema di formazion continue par

otti - al è un grant risultât, risultât dal suarç sinergic dal Ateneu e des istituzions locals e talianis che al conferme il rûl strategic de internazionalizazion pe Universitât dal Friûl e, in particolâr, la sò vocazion pe zootecnie e lis sciencis veterinaris, ancje in projets di ricercje e di cooperazion transnacionâls".